

Perkhemahan dan Motivasi Pra Universiti SMK Labuan 2018



Labuan – Unit Kokurikulum, SMK Labuan telah menganjurkan Perkhemahan dan Motivasi Pra Universiti SMK Labuan 2018 bertempat di Pusat Kokurikulum Negeri Jabatan Pendidikan WP Labuan pada 4 hingga 6 Mei 2018.

Seramai 132 orang pelajar dan 33 orang pensyarah terlibat dalam menjayakan perkhemahan tersebut.

Matlamat perkhemahan adalah melahirkan pelajar yang lebih berpengetahuan, berkeyakinan dan bersemangat tinggi untuk belajar demi kecemerlangan dalam peperiksaan STPM dan dalam kehidupan mereka.

Pelbagai aktiviti diadakan seperti memasang khemah, ice breaking, kayak, masakan rimba, tali temali, aktiviti kebudayaan, kenal diri dan khidmat masyarakat.



Aktiviti Berkayak di Pusat Kokurikulum JPWPL

Melalui aktiviti ini, pelajar dapat menanam keyakinan dan motivasi diri yang tinggi, selain meningkatkan ketahanan fizikal dan mental dalam menghadapi apa jua cabaran serta memupuk semangat kerjasama yang mantap diantara peserta.

Mohd Acamar Awang Hamzah dan Nur Fatieah Abdullah dinobatkan sebagai peserta terbaik perkhemahan kategori lelaki dan perempuan.

Majlis telah dirasmikan oleh En. Ismail Bin Abdullah , Pengetua SMK Labuan dan turut dihadiri oleh En. Roziman bin Hj Sabtu, Penolong Pengarah Pusat Kokurikulum Negeri dan En. Saminan bin Hj Sabtu, Penolong Kanan Pusat Ting 6 SMK Labuan.



Para pelajar sempat berposing dalam Aktiviti Ikhtiar Hidup

Sumber Berita : Encik Ismail Abdullah (Pengetua SMK Labuan)